



Institutiones Canonicæ Sive Ius Ecclesiasticvm

Wiestner, Jacob

Monachii, 1706

XXV. Mora sua cuilibet nociva est.

[urn:nbn:de:hbz:466:1-62649](#)

bitramur. C. de Offic. jud. Civil. Ergo etiam is justè facere & extra dolum esse præsumendus est, qui ejus justui obtemperat.

2. *Quin istius Regulae argumento non solum is, qui judicis, & multò magis Principis, l. Quod Princeps 23. ff. de Aquapluvia arc. sed etiam, qui patris Prælati, domini aut alterius sui superioris mandato obtemperet, à dolo excusat; cùm parere etiam ipse habeat necessitatem; & scutum, quorum mandato obtemperat, honestè jutusque mandare, sic ipse mandata exequendo justè honesteque & nihil fraudulenter ac dolosè facere præsumatur, Peckius ad hanc Reg. n. 3.*

3. *Hæc tamen etiam admittunt, imò explicant declarationem & exceptionem, Nisi iusta sit causa non parendi: qualis imprimis est, si judicis &c. mandatum adveretur Juri Naturali aut Divino; sic enim, quantumvis judex mulieri præcipiat; ut viro conjugale debitum reddat, & excommunicationis censurā urgeat reuuentem, ipsa tamen, nuptialis impedimenta inter se & virum intercedentis conficia, parere nec tenetur, neque illæsâ conscientiâ potest, c. Litteras 13. de Re Stat. spol. &c. Inquisitioni 44. de Sent. excom. quod id Naturali ac Divino Jure veritum sit. Simili modò tentantiam allegationibus falsis à judge obtentam is, pro quo quod est, observare, eaque sibi adjudicatum retinere non potest; quod item moverit iustè & contra propriam conscientiam: contra quam agens aeditificat ad gehennam, &c. Inquisitioni est. ubi Anchoran. n. 1.*

4. *Deinde, si judex inferior aliquid manderet contra Jus manifestum; cùm enim in eo dispensandi careat potestate; ac proinde ejusmodi mandato excedat limites sibi concessæ potestatis & usurpet ju-*

risdictionem, quam non habet, ei perinde, ut extra territorium suum Jus dicenti, impune non paretur, l. fin. ff. de Just. risdit. & l. i. §. i. in fin. ff. de Feris.

Denum, si mandet, quod ad ipsius officium non pertinet, l. Eadum 170 ff. de R. J. cùm, si judex ad rem certam datum, de aliis ad eam non pertinentibus pronuntiarit, nihil legisse videatur, l. i. C. Si à non competit. uti &c. si absque causa cognitione, vel altera parte non citata, ad unius instantiam procederet; cùm tali casu pro judge, ejusque decreto & mandato non præsumatur, c. Conquerente 8. de Restitut. spoliat. Gaill Lsb. 2. obseruat. 76. n. 5.

REGULA XXV.

Mora sua cuilibet nociva est.

S U M M A R I U M.

1. *Mora est Culpabilis & damno dilatio debiti.*
2. *Alia ex Persona est, & alia ex Re.*
3. *Illægitima hominis interpellatione.*
4. *Ista spol. Jure & lapsu temporis inducitur.*
5. *Mora effectus.*
6. *Regula sensus & declaratio,*
7. *Eiusque declarata ratio.*
8. *Jura, moram unius alteri nocivam suadentia,*
9. *Id, quod suadent, non persuadent.*
10. *Suadentia, suam moram alicui non nocivam,*
11. *Moroso debitor, etiam ipsa non pretrocinantur.*

M Ora generatim quædam Dilatatio seu tarditas: speciatim & in propria Regula sensu accepta, est Culpabilis ac damnola

ñosa dilatio dandi faciendiu eò tempore, quô quis debet & potest. Comittitur, cùm vg. quis non exhibet, vel etiam non acceptat solutionem debiti, quando id facere potest ac debet, Pickard. *Tract. de Mora n. 10. & Barbosa hic n. 1. §. 2.*

2. Est hac mora duplex. Vna ex Persona, altera ex Re, *l. Mora 32. ff. de Vsur. & fruct. quorum illa etiam Regularis, ista Irregularis nuncupatur.*

3. Ex Persona sive Regularis mora inducitur legitimâ homini, scilicet ejus, cui debetur, interpellatione; ut vg. qui prædium emit certô pretiò pecuniarîo, cuius solutioni certa dies vel tempus constitutum non est, ex Persona morosus debitor sit, quando, à venditore pro solu-

tione saluē semel interpellatus, eam non exhibet, cùm posset, *l. Mora cit. §. l. Si ex legati 22. ff. de V. O. quantumvis enim in omnibus obligationibus, quibus, certa dies non apponitur, præsenti debetur, l. Eum, qui 31. §. ff. de V. O. & Reg. In omnibus 14. ff. b/c, debitor tamen in mora non constituitur: nisi opportuno tempore pro solutione interpellatus eam non exhibeat, cùm posset.*

4. Ex Re & irregularis mora est, quando ipsò Jure & lapso temporis sine ulla creditoris interpellatione id, quod debetur, præstanti obligatio debitorem monet: eoque termino lapsò, quod debetur, præstitum non est: sicut fur & raptorex ipsâre, & ab ejusmodi delicti commissi tempore in mora est, *l. fn. ff. de Condit. furiva & l. Merit. 19. ff. de Vi armata.* Sic etiam, qui minori ex fidei, commissio, legato vel bonae fidei contra-
etu aliiquid debet, ex lege statim eò die, quô debere incipit, soluere tenetur, & sine ulla interpellatione constituitur in mora, *Manorum 3. C. In quibus caus. refit. nec. cfr. Item fere est in empore, qui ex re sibi vendita & tradita fructus percepit,*

*Efectus moræ sunt ex ea imminentia nocuientia; nam debitor vg. morosus in solvendo incurrit penam, si quam contrahentes moræ statuerunt: rei vg. equi debiti post moram interitu etiam fortuitò non liberatur: ut illum jam mortuum petens creditot falem aestimationem judicis officio consequatur: tenetur ad intereste sive fructus & usuras, & quidem in contractibus bona fidei ex tempore ipsius moræ, *l. Mora cit. §. 2. & c. Dynus ad hanc Reg. n. 1. & Peckius à n. 11. ubi plures moræ effectus referuntur.**

Regula itaque præsentis sensus est, *Quando vg. debitor de eo, quod debet, præstante. sive ab homine scilicet creditore, sive à Jure vel statuto die, interpellatus id non præstat, mora ipsi, non creditor, nocet; ut relata aliaque incommoda ex mora provenientia ipse debet perferre, subaudi, Nisi moram purgari, id, quod debet, post diem quidem constitutum, sed antequam creditor ullum damnum ex dilatione accepit, solvendo: vel solutionem postea oblatam iste, cùm poruisset, noluisset acceptare; cum posteriori hac motâ purgetur prior,*

Ffff 2

l. illud

1. Illud 17. ff. de Periculo & commodo. Sc. ut debitor à danno sive obligatione perferendi mora effectus seu documenta absolvatur: excepta tamen poena, si quæ fuit constituta; quia hæc semel commissa seu contracta non purgatur, Glossa bīc: quæ tamen ipsa à debitore non committitur, si ab ejus, quod debet, præstatione inculpabiliter fuit impeditus, l. Quod te s. ff. de Reb. credit. cūm ea, de qua agimus, mora dolum vel culpam præsupponat, Bartol. in l. Quod te cit. in fine & Farinac, Tom. I. Consil. 15. n. 36.

7. Ratio Regulæ ita temperata est: quia mora contumacia quædam & frustratio est: quæ dolum vel culpam præsupponit, l. Quod te cit. adeo; ut morosus debitör furi ac prædoni æquiparetur, l. fin. ff. de Condit. furt. & l. Inter stipulantem 83. §. 7. ff. de V.O. contumacia autem & frustratio sua cuique nocere debet, l. Locum 3. §. 11. ff. de Exhibit. tabul. ut poena & damnum suum teneat autorem, nec pogramatur ad eum, qui mora est delusus.

8. Quantumvis autem hæc ratio Regulam in æquitate naturali fundatam demonstrat, & prodita etiam sit Jure Civili, l. In condemnatione 173. §. 2. ff. de R. f. obvia tamen & facili luculentæ sunt Juris definitiones, quæ eam dubiam reddunt: & imprimis quidem, non suam duntaxat, sed alienam quoque moram alicui nocivam esse, exploratum inde est; quod ex mora filii pater, l. Cūm filius 49. pr. fidejusor ex mora debitoris principalis, l. Mora 88. ff. de V.O. & ex duorum reorum promittendi unius mora alter teneatur l. In condemnatione cit. §. 2. & l. Ex duobus 18. ff. de Duabus reis Seipul.

9. Sed ista, unius moram alteri damnum, non evincunt; quia mora filii patrantium nocet quoad actionem de peculio, l. Cūm filius cit. pr. quoad quam actionem patr moraliter idem esse cum filio censetur

Barbosa bte n. 8. Simili modō fidejusor, quatenus eius obligatio velut accessoria repræsentat obligationem rei sive debitoris principalis, idem cum isto ceneretur, §. Fidejusores 5. Instit. de Fidejus. junctâ Reg. Accessorium 42. in 6. Unde principalis debitoris mora ipsi nocet quoad obligationis perpetuationem: non etiam quoad ejus augmentum, scilicet interesse & poenam: nisi in omnem causam fidejussisset, l. Quaro 54. pr. ff. Locati Barbosa l. cit. & Ludwell. in l. In condemnatione cit. §. 2. cit. n. 7. Eodem ferè modō correorum unius factum alteri nocet solum quoad obligationis perpetuationem sive conjunctionem; ne scilicet una ea demque obligatio quoad unum maneat, & tollatur quoad alterum; cūm quoad hanc solam (non etiam quoad obligationis augmentum) unius instar reputetur. Quare cum §. 2. cit. unius moram alteri nocere, asseritur, Nocendi verbum non tam danno afficere, quām non prodeſſe significat; quod scilicet correō non proſit ad liberationem, sed obligatio in utroque perseveret, ut eruditè obſervant cit. Barbola n. 8. & in l. In condemnatione cit. Wiffenbach. n. 7.

Deinde, suam etiam moram alicui nocivam non eſſe, defumitur Primo ex reſpoſto Ulpiani, debitorem, si subterfugia non querat, ex mora teneri, inciantis, l. Sciendum 21. ff. de Usur. & fruct. Secundo; quod ex promissione debitör ſer- vi, si hunc infirmum negligat, isque de- celerit, ex culpa sua non teneatur, l. Si- servum 91. ff. de V.O. Ergo neque, si ser- vus decesserit post moram in eo exhiben- do. Tertio, idem debitör, si servum promissum manumisit, isque ante moram decesserit, non teneatur, l. Is qui 45. ff. de O. & A. qui cūm aperte ſit in dolo & non teneatur, etiam non tenebitur, qui eſt in mora,

Sed ista

II. Sed ista morosis exile patrocinum præstant. Primum; quia in l. Sciendum cit. casu debitor morosus non est; cum eð sermo sit de debitore, non modo non quarente subterfugia, sed sollicitè quarerente fidejustores & alios, quorum auxiliò creditoris fatisierit queat: qui cùm dolò & culpâ vacet, in mora propriè non est, Salicetus in l. cit. & Peck. b. n. 17. ad 2.

Alterum; quia l. Si servum cit. promissor servi ex contractu, non ad faciendum sive curam adhibendam, sed solummodo ad dandum tenebatur: qua in re cùm morosus non fuerit, ex mora utique non tenetur. Neque etiam aliunde, nisi ejus dolò vel culpâ latâ servus interiisset, Zafius ad l. cit. n. 5.

Ultimum; quia, ut silentio præterream; quòd l. Is qui cit. à Paulo redditum Responsum, quatenus debitorem, qui rem debitam possidere dolò desit, liberari ait, iniuritatis plenum & praxi nequam convenire astlerant. Odofredus ac Zafius magni nominis Interpp. ut, inquam, hoc præteream, memoratus JCT. oculos solum habuisse intentos in moram, in qua debitor, l. cit. non fuit: ab eo autem, quod ante moram à debitore est factum, abstraxisse videtur, Peckius cit. n. 17. ad 3.

REGULA XXVI.

Ea, quæ fiunt à judice, si ad e-
jus non spectant officium, Viri-
bus non subsistunt.

SUMMARIUM.

1. Extra officium sunt, quæ excedunt po-
testatem.
2. Sensus & ratio Regulae.
3. Instantia ei opposita.
4. Extra territorium etiam Voluntaria
jurisdicção,

5. Et in non subditum aliquando Neces- saria exercetur.

Officio judicis nomine hoc loco **II.** venit Potestas, ei sive à lege vel canone sive ab homine concessa; ut proinde ad officium suum non pertinentium aliquid agere intelligatur, quando egreditur limites sibi concessae potestatis, vel i.anc exercendo in non subditum, c. At Si clerici 4. pr. de Ju-
dicia, vel extendendo ad rem seu causam sibi non commissam, l. 1. C. Ubi in rem act. vel extra territorium suum jus dicen-
do, c. fin. de Constitut. in 6. & l. fin. C. de Ju-
risdict. vel non servatò Juris ordine sibi
præscriptò, c. Conquerente 7. de Resist. Spoliat. & l. Prolatam 4. C. de Sent. & in-
terlocut. Unde

Regulæ sensus est, Id, quod judex, **2.**
potestatis sua limites egrediendò facit, in-
validum nullumque est; sic enim invalida
sunt acta judicis Secularis, de criminis cle-
rici, de Ordinationis, Religiosarum professio-
nis vel matrimonii valore cognoscantis,
per text. aut arg. c. At si clericicit. pr. c.
Tuam 3. de Ord. cognit. c. Si judex 12. de
Sent. excom. in 6. &c. ltentia definiti-
va à judice extra territorium suum pro
tribunali sedente prolatá, c. & l. fin. cit.
sententia lata partium altera non citata,
l. Ea que 7. l. Consentaneum 8. C. Quo-
modo & quando jud. vel sine prævia cause
cognitione, l. Necquequam 9. ff. de Offic.
Proconsul. Maranta de Ord. judic. p. 6. de
Sententia n. 51. quòd his casibus omni-
bus judex officii seu potestatis sua limites
egreditur.

Ratio solida est; quia valor, vis &
efficacia eorum, quæ aguntur à judice,
tota fundatur in ejus potestate publica si-
ve jurisdictione: quā proinde, tanquam
fundamento, respectu personæ, causæ, ter-
ritoriū &c. deficiente, aut ad personam,
causam

F f f z